



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Avtvmnalis - A Dominica Decimaquinta post Pentecosten, ad  
Adventum

**Haineuve, Julien**

**Coloniæ Agrippinæ, 1665**

Nisi se quisquis aptè Christo conformet, sibi Christum ineptè conformabit.

**urn:nbn:de:hbz:466:1-44846**

fic fortè aptius, quasi in somnis vide, id est, quid-  
quid audiveris dextrum vel sinistrum, ne auditis  
magis crede ex humano & perverso sensu, quam  
ipsis somniis: Unde sicut nec letari nec contrista-  
ri debes ex somniis, sic neque ex auditis: sed vigi-  
labis, sed attendes, & prospicies, ut ex omnibus  
sapienter proficias potius quam deficias.

122.

Quò etiam spectat illud quod paulo post idem  
Sapiens subjicit: *Amicū salutare non confundar:  
à facie illius non me abscondam: Et si mala mihi e-  
verunt per illum, sustinebo. Omnia qui audivit, ca-  
vebit se ab eo.* Quod & Dominus uno verbo: *Ca-*

vete autem ab hominibus. Nunquam magis mo-  
vetur humanus sensus in alterutrum humanorū  
affectuum gaudij vel tristitiæ, quam cum inter  
homines agitur: & nihil est periculosius ad salu-  
tem quam sic humanis moveri affectibus, quan-  
do præsertim de nobis agitur. *Videte itaque, quo-  
modo caute ambuletis, non quasi insipientes, sed ut  
Sapientes: Non quasi humanis rapti sensibus, sed  
ut rationabiles & Christiani, Virtute omnia me-  
tentes à falsis, & à caducis æterna.*

Ephes. 53

Vide in 3. parte. Dic 21. Junij.

## QVAM SINT DIVERSI HOMINVM DE CHRISTO SENSVS.

*At illi dixerunt: Alii Ioannem Baptistam, alii autem Eliam, alij  
verò Jeremiam, aut unum ex Prophetis.* Matth. 16.

### VERITAS PRACTICA.

Nisi se quisque apte Christo conformet, sibi  
Christum ineptè conformabit.

**RATIO EST.** Quia nisi se quisque Christo  
conformet, se videbit oppositum Christo, &  
Christum sibi: nempe in ea saltem parte in qua  
non est Christo conformis.

Secunde quis oppositum se Christo videat, vel  
Christum sibi: sibi potius Christum conforma-  
bit. Nihil enim durum est Christiano, Christum  
suum Regem, suum Ducem, suum Pastorem &  
Judicem sibi esse oppositum. Nam sicut si Chris-  
tus pro nobis, quis contra nos? Sic si Christus  
contra nos, quis pro nobis? *A facis ira tua non  
est pax ossibus meis: Quam sit autem id ineptum,  
imo & impium, tum per se patet, tum evidentè  
declarat ista in Psalmis Domini vehemens ex-  
probatio: Existimasti inique quod ero tui similis,  
quasi diceret, ut interpretatur sanctus Augusti-  
nus, parum est, quia mala facta tua placent tibi,  
placere putas & mihi. Deum quia non poteris ul-  
torem, vis habere participem: Et tanquam corruptum  
iudicem, præda socium vis habere. Suspicias  
et iniquitatem, quod ero tibi similis, dum non vis  
tu mihi esse similis.*

137.

149.

Nisi ergo se quisque Christo conformet, sic  
iniquè sibi Christum conformabit. Et sicut è Ju-  
dæis alij pro suo quisque sensu & affectu dice-  
bant Christum esse Ioannem Baptistam, alij au-  
tem Eliam, alij verò Jeremiam: sic unusquisque

dicet eum esse mitem vel severum in peccatore  
sive circa quædam peccata, prout quisque de his  
peccatis sentiet. Sic amans impuritatis & osor a-  
varitiæ, mitem eum in impuros, & in avaros seve-  
rum dicet. Contra verò avarus justitiæ ejus in  
impuros exaquet, & quoties de suo vitio verba  
fieri audiet, Bonitatem Dei, & mansuetudinem  
boni Jesu prædicabit. Sic mundus eum non cog-  
novit, quia sic mundus de illo diversè judicat  
prout diversè afficitur. Sic ipse Dominus apud  
Prophetam conqueritur, *In dolo reverterunt sciri* 169. 9.

Verè enim nesciunt Christum qui sic pro suo  
sensu de illo judicant, Reverterunt autem scire,  
quia cum possent noluerunt. In dolo denique re-  
verterunt, quia sic dolosè & fraudulenter sibi de  
Christo palpant, quasi non aliud judicent & ex-  
optent quam quod ipse sentit: quasi non a-  
liud scire de illo possent, quam quod sciunt.  
*Neg. me scitis, inquit, neg. Patrem meum.* Un-  
de & dilectus Discipulus: *In hoc scimus quoniam  
cognovimus eum si mandata ejus observemus. Quò  
dicit se nescire eum, & mandata ejus non custodit,  
mendax est, & in hoc Veritas non est.* Et paulo post  
*Omnis spiritus qui solvit Jesum, ex Deo non est, &  
hic est Antichristus.* Id est Christo non conformis  
sed oppositus. Is autem solvit Jesum qui quæ in  
illo vel ex illo sunt, sive credenda sive facienda,  
non ita judicat & recipit sicut revera sunt, sed sic  
ut ipse fingit, & sibi opposita quæque solvit ad  
suum sensum.

Et hoc quidem Deus permittit in pœnâ præ-

99

vi affectus quem Christo subijcere noluerunt, sic in eo magis depravantur, ut credant nihil esse mali, nihil periculi, nihil contra Evangelium, nihil contra Christum. Ideo, inquit Apostolus, misit illis Deus operationem erroris, ut credant mendacio qui non crediderunt veritati, sed consenserunt iniquitati. Nonne hoc pavendum? Sed quibus, & in quo, & an ex illis, nonne est quod expendas accuratè? Si quæ proponuntur de illo Veritates, attentius revolveres, non ita fortè ab illo dissentires, nam non ita Christus exhibetur qui uni palpet vicio & carpat aliud, Vos autem non ita didicistis Christum, si a mentem illum audistis, & in ipso scriptis, sicut est veritas in Iesu, deponere vos secundum pristinam conversationem, veterem ho-

minem qui corrumpitur secundum desideria cordis sui. Non est palpare vicio sic deponere veterem hominem, quo sempe deposito, marcescit omne vitium. Sed tam pauci sunt qui sic deponant & non aliquid sibi dolose referrent ut beatus sit ille vir cui non imputavit Dominus peccatum, nec est in spiritu eius dolosus.

Vide in 2. parte Dom. Sexagesimæ, ubi hæc Veritas exponitur:

Nisi Verbum Dei te convertat, tu pervertes Verbum Dei.

Et Dominicam 3. Quadrages. ad hæc Christi verb: Qui non est mecum, contra me est. Necnon infra in hac parte Feria 4. Heb. 29.

## DE CONFessione PETRI.

Tu es Christus filius Dei vivi. Matth. 16.

### VERITAS PRACTICA.

Nisi diligenter advertas, ore facta confessio, factis à te negatur.

RATIO EST, Quia tunc ore facta Confessio factis à te negatur, si facta sint opposita Confessione. Sed nisi diligenter advertas facta tua, tua sunt opposita Confessione.

Ergo & ore facta Confessio factis à te negatur, quod cerè est potens motum ad advertenda diligenter.

CUM Dominus dixisset suis: Vos autem, quem me esse dicite? Respondens Simon Petrus dixit: Tu es Christus Filius Dei vivi. Respondens autem Iesus, dixit ei, Beatus es Simon Bar-lona, quia caro & sanguis non revelavit tibi, sed Pater meus qui in caelis est. Et ego dico tibi, quia tu es Petrus, & super hanc petram aedificabo Ecclesiam meam, & porta inferi non prevalebunt adversus eam. Et dabo tibi claves regni Cælorum. Et quodcumque ligaveris super terram, erit ligatum & in caelis: & quodcumque solveris super terram, erit solutum & in caelis.

Tunc Petrum, inquit S. Chrysostomus, universo terrarum orbi Christus preposuit; Et S. Augustinus: Dignus cerè qui aedificandus in domo Dei populus lapsus esset ad fundamentum, columna ad sustentandum, clavus ad rognum. Quæ postquam tantillum expèderis: Tu ipse hoc profiteri quod S. Petrus: Tu es Christus filius Dei vivi. Hæc diutius in illa extendenda fide ad omnes qui Christum spectant articulos; Pete ut adaugeat illam in te acque in cunctis, fidem. In gemis quod sit tam rara fides

ut præ cæteris infidelibus, aut Hæreticis, aut Schismaticis, pauci sint Christiani; quin ex illis paucis, Multi sunt qui, ut ait Apostolus, confitentur se nosse Deum factum autem negant. Et quod denique modo est tibi dolentius deplorandum, Tu qui hæc legis, tu qui de Christo tam præclare sentis, & alios fortè doces, tu tamen nisi diligenter advertas, ore tuo iam factam Confessionem, factis ipse tuis negas & pervertis.

Nam si facta tua sint opposita tuæ Confessionem, nonne ipsa negatur Confessio? nonne sic est intelligendus Apostolus à quo defluxit hæc veritas? Nonne sunt expressa ejus ad Titum verba: Factis autem negant? Quid est negare factis concessa, nisi oppositum aliquid & repugnans facere sicut qui se verbo retraheret, aut qui mentiretur aut qui quovis modo sibi contradiceret, secumque pugnaret? Nonne sic dicitur mendacium esse non tantum cordis & oris, sed etiam operis, quando videlicet ori contradicit opus, ut cum peccatrix anima se convertam ait quia confessus est peccatum suum, quod tamen non deposuit, vel quod repetit, vel omnino non esse conversa dicitur, vel conversa in mendacio: Non est reverens ad me pravariatrix in toto corde suo, sed in mendacio, ait Dominus. Sic D. Augustinus: Deprehenderis & detegeris Christiano, quando aliud agis, & aliud profiteris. Nempe hinc agnosceris non in te se quem profiteris, quia quod aliud agis, negat quod aliud profiteris.

At verò nisi diligenter advertas, hoc est quod modo tibi opponitur, hoc est quod agis, agendo aliud